



## **Communicaziun allas medias digl cumegn da Surses (nr. 07-2023)**

### **Surses: Igl cumegn d'urna approvescha la revisiun parziala dalla constituziun comunala**

**La cuminanza dallas votantas e digls votants all'urna digl cumegn da Surses ò approvo la revisiun parziala dalla constituziun comunala. La revisiun parziala è davantada necessaria an consequenza dalla revisiun totala dalla lescha digls cumegns digl cantun Grischun tgi è eida an vigour igl 1. da fanadour 2018 e dall'experientscha fatga durant set onns scu cumegn fusiuno. Igl è er neidas examinadas las structuradas politicas digl cumegn e neidas adattadas, noua tg'era necessari.**

Las votantas ed igls votants digl cumegn da Surses on a caschung dalla votaziun all'urna da dumengia approvo la revisiun parziala dalla constituziun comunala cun 295 vouchs ancunter 109 vouchs.

Ultra dallas adattaziuns basignevas agl dretg surordino e da differentas precisions an consequenza dallas experientschas fatgas siva dalla fusiun da cumegn igl onn 2016, ègl nia decida d'introduceir igl referendum da finanzas facultativ. Pinavant vignan augmentadas tranter oter las competenzas dalla cumischung da biagier. La structura d'organisaziun actuala cun la radunanza comunala ed igl cumegn d'urna, scu er igl model dalla direenziun comunala vignan loancunter mantignias sainza midadas.

Cun l'approvaziun dalla revisiun parziala antras igl cumegn d'urna da Surses stò ossa neir dumandada l'approvaziun formala antras la regenza grischuna. Siva dall'approvaziun correspondentia antras la regenza vo la revisiun parziala dalla constituziun comunala an vigour.

La participaziun alla votaziun è stada 22.06%

#### *Infurmaziuns:*

Leo Thomann, mastral (e-mail: [leo.thomann@surses.ch](mailto:leo.thomann@surses.ch), telefonign 079 405 96 73)